

omnia castra. Terram quidem Degensem a Icum oppidis cunctam possedivit. Arbam namque Pamplonensem suo juri subdidit; necnon cum castris omnibus Biotenatis, xx regni sui anno migravit e saeculo. Sepultus sancti Stephani portico regnat cum Christo in polo.

Item filius ejus Garsea rex reg. an. x. Benignus

a Vide n. 74.

A fuit, et occisiones multas egit contra Saracenos, et sic decessit. Tumulatus est in castro sancti Stephani.

Supersunt ejus filii in patria ipsius, videlicet Sancio et frater ejus Ranimirus, quos salvet omnipotens per multa curricula annorum. Amen.

DISCURRENTE PRESENTI AERA TXIV.

b Forte urbem.

## SIGLOARDI

CANONICI RHEMENSIS

### RHYTHMUS DE MORTE FULCONIS EPISCOPI RHEMENSIS.

(Apud Labb., Biblioth. mes., ex codice Iggiacensi qui continet Breviarium Flodoardi libris duobus comprehensum.  
Post epitaphium Fulconis, lib. IV, cap. 8.)

O Fulco præsul optime,  
O cunctis amantissime  
Re pontifex et nomine!  
Homo sed major homine,  
Vir nobilis prosapia,  
Et talis sapientia  
Qualis nullus est hodie.  
Toto formosus corpore,  
Magnæque eloquentia,  
In tuo flentes funere  
Vix possumus reprimere.  
Det tibi Christus requiem  
Atque coronam perpetem.  
Nos autem te plorabimus  
Diebus atque noctibus:  
Nam amasti veraciter,  
Nos et tractasti dulciter,  
Adornasti Ecclesiam,  
Gubernasti familiam  
Per summam Dei gratiam,  
Bene rexisti patriam:  
Sed quidam serpens lubricus,  
Et non pater, sed vitricus,  
Tibi tendens insidias  
Nostras auxit injurias.  
Maledictus a Domino  
Puniatur in baratro.  
Cum gladio et fustibus,  
Et armatis militibus,  
Invasit te Guinemarus,  
Nulli dulcis, sed amarus,  
Cui nihil abstuleras,  
In quem nihil peccaveras.  
In die qua te tradidit,  
Et te et ipsum perdidit,  
Quam cito clerus audiit  
Tantum malum, infrenuit.  
Et plebs et ordo genuit,

B Ruit illuc, et rapuit  
Corpus et secum detulit,  
Multasque fudit lacryma  
Dum celebrat exequias.  
Translatus in ecclesia,  
Stans rectus ad altaria.  
Abbes et episcopi  
Hunc sustentant revesitum.  
Iuduunt eum insula  
Pallioque et tunica,  
Stola collo imponitur,  
Et candela accenditur.  
Nec deest ibi baculus,  
Sed applicatur manibus.  
Tunc decanus pontificum  
Jubet et rogat populum,  
Ut orent omnes Dominum  
Pro anima pontificis  
Ne mergatur in inferis,  
Sed læetur cum superis,  
Et ut Deo dent hostiam  
Quæ purget ejus animam.  
Tunc omnes Deo supplicant,  
Cum lacrymis et rogant.  
Tenent candelam singuli  
Pontifices, presbyteri.  
Tyrannum excommunicant,  
Et viventem mortificant,  
Omnemque coetum militum  
Qui dederunt auxilium.  
Post hoc defunctum efferunt,  
Et honeste sepelunt.  
Ejusque ante tumulum  
Commendant Deo spiritum.  
In requie sit anima  
Nunc et per cuncta saecula  
Amen, amen, fiat ita  
Dicat omnis Ecclesia.

C

D